

Reuocatio, & annullatio Litterarum, & Decretorum Greg. XIII.
& Clementis VIII. Summorum Pontificum.

PER S. D. N.

D. PAVLVM V.
PONT. MAX. EDITA

CONTRA

Ordinem Iesuatorum à prædictis Pontificibus promulgatorum de
non promouendis ad Sacros Ordines ex illa Religione quibus-
cumque, aut gradibus Sacræ Theologiæ initiandis.

Cum concessione pariter gratiosa ex eadem Congregatione pro prima vice extra-
tempora usq. ad Centum ad maiores ordines prouehendi.



R O M A E, Ex Typographia Reu. Camera Apostolicæ. M. D C V I.

gulares eiusdem Congregationis personas, à quibusvis excommunicationis, suspensionis, & interdicti, alijsq; Ecclesiasticis sententijs, censuris, & pœnis à iure, vel ab homine quauis occasione, vel causa latis, si quibus quomodolibet innodata existunt, ad effectum præsentium dumtaxat consequendum harum serie absoluentes, & absolutos fore censentes; Supplicationibus eorūdem Visitatorum, Superiorum, & Religiosorum nomine, per dilectum filium Isidorum Venetum Fratrem, & Procuratorem generalem, dictæ Congregationis, Nobis super hoc humiliter porrectis inclinati: Ex voto Venerabilium fratrum nostrorum Sanctæ Romanæ Ecclesiæ Cardinalium, super Consultationibus, & negotijs Episcoporum, & Regularium deputatorum, quibus hoc negotium examinandum, & Nobis referendum commissimus in primis, & ante omnia decretum, & litteras Gregorij, & Clementis Prædecessorum supradictas, in quantum præsentibus aduersantur, auctoritate Apostolica, tenore præsentium perpetuo reuocamus, & annullamus, & suspensionem ab executione ordinum, vt præfertur, factam omnibus, & singulis eiusdem Congregationis Religiosis, qui ad ordines etiam Sacros, & Presbyteratus, alijs tamen ritè promoti extiterunt, itaut quilibet eorum, in susceptis ordinibus deinceps, quoad vixerint etiam in Altaris ministerio ministrare, & non susceptos suscipere, & in illis pariter ministrare liberè possint, auctoritate Apostolica, tenore præsentium, gratiose relaxamus, ac illos omnes, & singulos ad ministrandum in susceptis ordinibus, atq; ad ascendendum ad superiores, & nō susceptos ordines reabilitamus. Præterea, vt comprehensis supradictis, iam ad sacros ordines promotis, alij eiusdem Congregationis Religiosi vsq; ad completum numerum Centum dumtaxat in tota Congregatione prædicta, ad omnes etiam Sacros, & Presbyteratus ordines ab infra scriptis Antistitibus statutis à iure temporibus, sed hac prima vice, etiam non seruatim interstitijs à Concilio Tridentino designatis, & anni circulo minimè expectato promoueri, ac promoti in illis, etiam in Altaris ministerio ministrare, dummodo tamen præuito diligenti examine, ad hoc idonei reperti fuerint, auctoritate, & tenore prædictis, licentiam concedimus, & indulgemus, ac cum illis super hoc opportunè dispensamus: Ac infra scriptis Antistitibus dictis Religiosis ordines huiusmodi conferendi facultatem impartimur. Volumus autem, & pari auctoritate statuimus, & ordinamus, vt Religiosi dictæ Congregationis tam hæcenus recepti, quàm in futurum recipiendi, qui in eadem Congregatione ad ordines non ascenderint, à nullis propterea honoribus, gradibus, & ministerijs dictæ Congregationis excludantur, quinimò promiscuè cum promotis vocem actiuam, & passiuam in omnibus actibus, & negotijs, sine aliqua prorsus differentia habere possint, & debeant, & æquo cum eisdem promotis iure, honoribus, gradibus, & ministerijs prædictis, cæterisq; ipsius Congregationis priuilegijs, & prærogatiuis gaudeant, & perfruantur. Quodd; in tota Congregatione prædicta, vltra numerum centum, ad sacros ordines promoueri non possint, sed quādoctumq; aliqui ex numero promotorum ab hac vita migrauerint, alij idonei in eorūdem demortuorū locum sufficiantur, itaut sic ordinatorū numerus in tota Congregatione perpetuò retineatur. Quodd; illi, qui ad ordines promouendi erunt, litteras dimissorias, à suis Superioribus, ad aliquam ex infra scriptis Antistitibus directas habeant, à quibus Antistitibus in eorum proprijs Ciuitatibus, vel Diocessibus tantum, & non ab alijs, huiusmodi ordines suscipiant, videlicet in Vrbe à dilecto filio Vicario nostro, vel de illius licentia à quocūq; Catholico Antistite, gratiam, & communionem Sedis Apostolicæ habente, ac in dicta Vrbe Pontificalia exercente, necnon à Venerabilibus fratribus Mediolanensi, Bononiensi, & Senensi Archiepiscopis, ac Episcopo Patruino, vel ab alijs similibus Antistitibus, de ipsorum Archiepiscoporum, & Episcoporum licentia; in illorum respectiue Ciuitatibus, & Diocessibus Pontificalia exercentibus, quibus, & cuilibet eorum prædictos Religiosos, vt præmissum est, ad omnes etiam Sacros, & Presbyteratus ordines promouendi licentiam, & facultatem concedimus. Præterea statuimus, & ordinamus, vt Sacerdotes, & alij ad sacros ordines, hoc pa-

cto pro tempore promoti, ex peculiari cuiusq; obligatione horas canonicas in choro statuto ab Ecclesia tempore recitare debeant, in illis scilicet conuenibus, in quibus quatuor saltem fratres reperientur in sacris ordinibus constituti, in alijs autem Conuētibz, vbi pauciores quatuor erunt, sacris ordinati, possint eas etiam priuatim recitare. Ipsi verò fratres ad sacros ordines promoti nullatenus in posterum teneantur ad recitationem Oratorion Dominicæ, & Salutationis Angelicæ in illis temporibus, in quibus ad eam, priusquam easdem horas canonicas recitare deberent, ex præscripto suarum constitutionum loco earumdem horarum erant obligati, Missas verò submissa voce recitare contenti sint, & à solemnium celebratione abstineant, nisi sicubi ipsi solemniter celebrare iam hoc tempore consueuissent. Quoddq; ad Sacerdotium promoti, neq; vllius secularis personæ, neq; alterius ordinis Regularis vlllo tempore, etiam de cuiuscumq; Episcopi, vel Superioris regularis licentia confessiones audire possint, sed tantum illis Sacerdotibus, qui ad confessiones audiendas idonei reperti, & ab Ordinarijs locorum approbati fuerint, liceat aliorum ipsius Congregationis Religiosorū, de sui Superioris licentia confessiones audire. Quoddq; fratres ipsi aliquo sacro ordine initiati suæ dignitatis memores exercitio distillationis aquarum nullo pacto vacent, neq; earū venditionibus sese immisceant; Imò cæteri eiusdem ordinis regulares, qui ad ordines promoti non fuerint, quibusq; id exercitium non adimitur, eiusmodi aquas distillatas (quod hactenus fecerunt) mulieribus deinceps nullo prætextu vendere, aut alijs tradere debeant; neq; venales habere, seu exponere, sed tantum eas seorsum ab alijs possint vendere Aromatarijs, vel alijs particularibus personis. Insuper, vt Religiosi dictæ Congregationis imagis fructuosi in Ecclesia Dei ministri euadere possint, eidem Congregationi, & illius Superioribus, & Religiosis, vt in eorum Conuentibus, vbi hoc commodè fieri poterit, literarum exercitationes, seu studia erigere, & instituere possint, in quibus tum humaniores literæ, ac disciplinæ, tum Philosophia, ac Theologia legantur, ipsiq; ijs operam dare valeant, auctoritate, & tenore prædictæ licentiæ, & facultatem concedimus, & indulgemus. Decernentes præsentis literas nullo vnquam tempore de subreptionis, vel obreptionis, aut nullitatis virio, seu intentionis nostræ, vel alio quopiam defectu, quauis de causa, & occasione, vel prætextu notari, vel impugnari, infringi, suspendi, limitari, vel retractari, aut reuocari vllatenus posse, sed semper validas, & efficaces existere, suosq; plenarios, & integros effectus sortiri, & obtinere, sicq; & non aliter per quoscumq; Iudices ordinarios, & delegatos, etiam causarum Palatii Apostolici Auditores, sublata eis, & eorum cuilibet quauis aliter iudicandi, & interpretandi facultate, & auctoritate iudicari, & definiri debere, ac irritum & inane quicquid factum super his à quoquam quauis auctoritate scienter, vel ignoranter contigerit attentari. Non obstantibus literis Gregorij, & Clementis Prædecessorum prædictorum, & quibuscumq; alijs prohibitionibus, necnon Constitutionibus, & ordinationibus Apostolicis, ac dicti Ordinis, & Congregationis Iesuatorum, etiam iuramento, confirmatione Apostolica, vel quauis firmitate alia roboratis statutis, & consuetudinibus, priuilegijs quodq; indulgentiis, & literis Apostolicis in contrarium præmissorum quomodolibet concessis, confirmatis, & approbatis. Quibus omnibus, & singulis eorum tenores, præsentibus pro expressis, & ad verbum inseritis habentes, hac vice dumtaxat, & ad effectum præmissorum spectantes, & expressè, ac latissimè derogamus, cæterisq; contrarijs quibuscumq; Volumus autem, vt præsentium transumptis etiam impressis manu alicuius Notarij publici subscriptis, & Sigillo alicuius personæ in dignitate Ecclesiastica constitutæ munitis eadem prorsus fides adhibeatur vbique, quæ præsentibus adhiberetur, si forent exhibite, vel ostense. Dat. Romæ apud Sanctum Petrum, sub Annulo Piscatoris, die xviij. Februarij. M. DCVI. Pontificatus Nostri, Anno Primo.

M. Vestrius Barbanius.